



**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
KOMISIJA ZA FINANSIJE I BUDŽET**

Broj: 01/4-011-286/01
Sarajevo; 06.06.2001.god.

IZVJEŠTAJ

sa 8. sjednice Komisije za finansije i budžet održane 28.05.2001.god. u 11.00 sati i 06.06.2001.god. (nastavak) u 10,00 sati.

Sjednici su prisustvovali sljedeći članovi:

Nedžad Šašivarević, Predsjedavajući Komisije
Ljubomir Kovačević, Prvi zamjenik predsjedavajućeg
Zdenko Vukić, član
Ramiz Vilić, član
Salih Kulenović, član
Boro Bjelobrk, član
Tihomir Gligorić, član
Dragi Stanimirović, član

Našid Oruč, sekretar

Sjednici nisu prisustvovali sljedeći članovi:
Mirko Baković

Za sjednicu je predložen i usvojen sljedeći:

DNEVNI RED

1. Usvajanje izvještaja sa 7.sjednice Komisije.
2. Utvrđivanje operativnog plana-Programa rada Komisije za period Juni Avgust 2001.god.
3. Sporazum o razvojnom kreditu (Kredit za prilagođavanje u socijalnom sektoru) između Bosne i Hercegovine i Međunarodne asocijacije za razvoj.
4. Sporazum o razvojnom kreditu (Projekat tehničke pomoći za socijalni sektor) između Bosne i Hercegovine i Međunarodne asocijacije za razvoj
5. Druga pitanja.

28.05.2001. u 11 sati 8.sjednici Komisije su prisustvovala 4 člana Komisije, zbog čega je obavljen radni sastanak u funkciji nastavka 8.sjednice po istom dnevnom redu zakazanom za 06.06.2001.god. Sastanku se nisu odazvali pozvani predstavnici Predsjedništva BiH u vezi sa razmatranjem tačke 3 i 4 dnevnog reda.

Nastavak 8. sjednice Komisije je održan 06.06.2001.god. od 10,00 –11,00 sati uz prisustvo 8 članova Komisije.

1. Komisija je bez primjedbi usvojila izvještaj sa 7 sjednice Komisije.
2. Komisija je razmatrala ponuđeni plan rada Komisije za 2001.god. korigovan prema primjedbama zaključka 7. sjednice Komisije, uz zaključak da se na narednoj sjednici članovi Komisije pojedinačno izjasne o sadržaja Plana rada.
3. U vezi sa razmatranjem tačke 3 i 4 dnevnog reda, na poziv Komisije da predstavnici Predsjedništva BiH prisustvuju sjednici Komisije, sjednici su prisustvovali zamjenici ministra vanjske trgovine i ekonomskih odnosa, gosp. Kragulj i gosp. Blagojević.

Komisija je zaključila da predloži Predstavničkom domu da donese odluku o davanju saglasnosti za ratificiranje Sporazuma o razvojnom kreditu (Kredit za prilagođavanje u socijalnom sektoru) između Bosne i Hercegovine i Međunarodne asocijacije za razvoj kao i Sporazuma o razvojnom kreditu (Projekat tehničke pomoći za socijalni sektor) između Bosne i Hercegovine i Međunarodne asocijacije za razvoj.

4. U okviru tačke 5 dnevnog reda uvrštena su sljedeća pitanja i donešeni zaključci:

a) Izbor Drugog zamjenika predsjedavajućeg Komisije

Komisija je jednoglasno za Drugog zamjenika predsjedavajućeg Komisije za finansije i budžet izabrala Zdenka Vukića.

b) Izvještaj o rashodima Predsjedništva koji se podnosi Parlamentarnoj skupštini BiH.

U vezi sa ustavnom obavezom Predsjedništva BiH, te članom 143 Poslovnika Predstavničkog doma, Komisija će uputiti inicijativu da Predstavnički dom zatraži od Predsjedništva BiH dostavljanje izvještaja o rashodima Predsjedništva BiH.

c) Finansiranje aktivnosti Komisije u djelu učešća u radu Komisije stručnjaka iz javnosti.

Komisija smatra da su u skladu sa potrebom obezbjeđenje učešća stručnjaka iz naučnih i stručnih ustanova i institucija, udruženja i organizacija iz Bosne i

Hercegovine u radu Komisije prilikom razmatranja određenih pitanja iz nadležnosti Komisije, potrebna izvjesna finansijska sredstva.

U skladu sa prethodnim Komisija je zaključila da se od nadležne službe Parlamentarne skupštine BiH zatraži informacija o sredstvima Parlamentarne skupštine BiH za ovu namjenu kao i iznosu ovih sredstava određenih za Komisiju za finansije i budžet.

- d) Razmatranje **Okvirnog sporazuma između Bosne i Hercegovine i Evropske investicione banke** kojim se regulišu aktivnosti EIB u Bosni i Hercegovini.

Na zahtjev prisutnih zamjenika ministra vanjske trgovine i ekonomskih odnosa gosp. Kragulja i gosp. Blagojevića o hitnosti ratificiranja navedenog sporazuma, Komisija je odlučila da na dnevni red 8. sjednice uvrsti i razmatranje **Okvirnog sporazuma između Bosne i Hercegovine i Evropske investicione banke** kojim se regulišu aktivnosti EIB u Bosni i Hercegovini.

Nakon razmatranja navedenog sporazuma Komisija je zaključila da predloži Predstavničkom domu da donese odluku o davanju saglasnosti za ratifikaciju **Okvirnog sporazuma između Bosne i Hercegovine i Evropske investicione banke** kojim se regulišu aktivnosti EIB u Bosni i Hercegovini.

Predsjedavajući Komisije

Nedžad Šašivarević

